

Vischnaunca da Breil

# Reglament per la recepziun da burgheis

2007



Art.	1	Principi	4
	2	Premissas	4
	3	Domicil	4
	4	Procedura	4
	5	Examinaziun e decisiun	5
	6	Integraziun ed enconuschientscha	5
	7	Burgheis d'honor	6
	8	Taxas	6
	9	Cumpetenzza e communicaziun	7
	10	Vigur legala	7
	11	Mieds legals	7
	12	Relaschada	7
	13	Abrogaziun e vigur	7

Principi	<p><b>Art. 1</b></p> <p>Burgheis dalla vischnaunca da Breil san burgheis grischuns e svizzers sco era personas digl'exteriur e personas senza naziunalitad daventar, aschinavon che las premissas legalas tenor dretg federal, cantunal e communal ein dadas.</p>
Premissas	<p><b>Art. 2</b></p> <p><sup>1</sup> L'admissiun el dretg da burgheis dalla vischnaunca da Breil pretenda che la petenta ni il petent para dad esser adattaus, quei suenter haver examinau sias relaziuns personalas.</p> <p><sup>2</sup> Quei pretenda en special ch'ella ni ch'el:</p> <ul style="list-style-type: none"><li>a) ei integraus ella communitad cantunala e communal,</li><li>b) enonuscha las modas da viver e las relaziuns cantunalas e communalas sco era in lungatg cantunal,</li><li>c) respecta gl'uorden giuridic svizzer,</li><li>d) periclitescha buca la segirtad interna ed externa dalla Svizra,</li><li>e) dispona d'ina basa d'existenza segirada.</li></ul>
Domicil	<p><b>Art. 3</b></p> <p><sup>1</sup> Il dretg da burgheis communal sa vegnir concedius ni garantius a personas cun domicil ella vischnaunca da Breil, che han giu silmeins 6 onns (Svizzers) resp. 12 onns (personas digl'exteriur) lur domicil en vischnaunca.</p> <p><sup>2</sup> El mument avon la damonda sto la persuna haver viviu duront 2 onns senza interrupziun en vischnaunca.</p>
Procedura	<p><b>Art. 4</b></p> <p><sup>1</sup> Alla damonda da naturalisaziun ston ils exemplars originals ni las copias legalisadas ufficalmein dils documents, dallas legitimaziuns e dallas attestaziuns ch'ei basegna vegnir aschuntai. Aschuntas ch'ein buca redigidas en in lungatg naziunal ston vegnir cumpletadas cun ina translaziun legalisada ufficalmein.</p> <p><sup>2</sup> Ils documents astgan per regla buca esser pli vegls che sis meins.</p>

<sup>3</sup> La damonda da naturalisaziun per personas svizras sto vegnir fatga cun il formular ufficial e sto vegnir inoltrada cun ils suandonts documents alla vischnaunca da Breil:

- a) documents dil stadi civil, eventualmein il stadi da famiglia,
- b) cumprova davart la tgira geniturala, aschilunsch che quella vegn buca exequida comunablamein d'omisus geniturs,
- c) attest da domicil per il temps prescrets tenor lescha cantunala e tenor quest reglament,
- d) extract dil register penal,
- e) extract dil register da stumaziun e da concuors pils davos diesch onns,
- f) attestaziun dils facturs da taglia actuals ed attestaziun che la taglia seigi vegnida pagada durant ils davos tschun onns,
- g) consentiment digl ugau e digl uffeci tutelar (per personas sut ugardia),
- h) indicaziuns davart eventuels deivets,
- i) cuors dalla veta.

<sup>4</sup> La damonda da naturalisaziun per personas jastras sto vegnir fatga cun il formular ufficial e sto vegnir inoltrada cun ils documents necessaris agl uffeci cantunal. Igl uffeci cantunal examinescha ils documents, la reputaziun penala sco era las pretensiuns cantunalas e federalas da domicil. Suenter tarmetta igl uffeci cantunal la damonda cullas actas alla vischnaunca burgheisa cumpetenta.

## Art. 5

<sup>1</sup> La suprastonza communal examinescha las pretensiuns formalas e procura per las informaziuns necessarias.

Examinaziun  
e decisium

<sup>2</sup> Ella envida las personas jastras che fan ina damonda da naturalisaziun ad in discuors da qualificaziun, el qual surtut l'integraziun e las enconuschentschas vegnan examinadas.

## Art. 6

<sup>1</sup> Integrau en la communitad cantunala e communal ei oravontut, tgi che:

- a) tgira relaziuns socialas sil plaz da lavur, el vischinadi, vischnaunca, quartier, baselgia, uniuns ni autras instituziuns localas,

Integraziun ed  
enconuschien-  
tscha

b) ei integraus ella veta publica e sociala e che separticipescha ad occurrenzas dil vitg ni dil quartier.

<sup>2</sup> Las modas da viver e las relaziuns cantunalas e communalas sco era in lungatg cantunal enconuscha tgi che:

- a) ha las enconuschientschas fundamentalas digl uorden politic e social,
- b) ha enconuschientschas dallas modas da viver localas sco era dallas isonzas e dils usits locals,
- c) renconuscha las instituziuns democraticas ed accepta la cultura cantunala e communal,
- d) ha enconuschientschas linguisticas sufficientas per secommunicar cun las autoritads e la populaziun indigena.

### Art. 7

Burgheis d'honor

<sup>1</sup> A personas ch'eiin sefatgas specialmein meriteivlas per la publicitad ni per il beinstar public sa vegnir concediu il dretg da burgheis d'honor.

<sup>2</sup> La surdada dil dretg da burgheis d'honor ei buca ligiada vid las premissas da domicil tenor art. 3 da quest reglament.

<sup>3</sup> El ha il medem effect sco il dretg da burgheis obteniu entras la procedura ordinaria tras naturalisaziun. Per burgheisas ni burgheis d'in auter cantun basegna ei leutier ina permissiun preliminar digl uffeci cantunal competent.

<sup>4</sup> Il dretg da burgheis d'honor vegn concedius tras la radunonza communal.

### Art. 8

Taxas

<sup>1</sup> Per decisiuns en la procedura da naturalisaziun vegnan taxas che cuvieran ils cuosts incassadas. Las taxas muntan maximal frs. 2000.– per personas jastras e frs. 1000.– per personas svizras.

<sup>2</sup> La suprastonza communal sa decider per Svizzers/Svizras e per personas digl exteriur differentas pauschalas per cass. Per ina renaturalisaziun san pauschalas pli bassas vegnir fixadas. Las pauschalas ein d'adattar periodicamein allas expensas effectivas.

<sup>3</sup> La suprastonza communal sa reducir ni relaschar las taxas per persunas minorenas, las qualas vegnan buca naturalisadas ensemen culs geniturs sco era per persunas en scolaziun e formaziun.

<sup>4</sup> Sch'ei vegn concediu il dretg da burgheis d'honor vegn ei desistiu d'ina taxa.

<sup>5</sup> Per l'elaboraziun dallas damondas da naturalisaziun sa in pagament anticipau vegnir incassaus.

#### **Art. 9**

<sup>1</sup> La suprastonza communal decida davart la concessiun, la garanzia e la recusaziun dil dretg burgheis dalla vischnaunca da Breil.

Cumpetenzia e comunicaziun

<sup>2</sup> Ella communicescha la decisiun sur d'ina damonda da naturalisaziun a scret. Decisiuns negativas ein d'argumentar.

#### **Art. 10**

Posseda il petent buca il dretg burgheis dil cantun Grischun va la naturalisaziun en vigur pér suenter la recepziun sco burgheis cantunal. Els ulteriurs cass succeda la naturalisaziun cun la disposiziun d'impurtaziun el register da famiglia entras l'autorità da survegionza en fatgs da stadi civil.

Vigur legala

#### **Art. 11**

Encunter decisiuns e disposiziuns dalla suprastonza communal sa vegnir recurriu enteifer 30 dis suenter la comunicaziun tier la dertgira administrativa dil cantun Grischun.

Mieds legals

#### **Art. 12**

La relaschada dil dretg da burgheis dalla vischnaunca da Breil sedrezza tenor ils art. 18 e 19 dalla lescha cantunala dil dretg burgheis.

Relaschada

#### **Art. 13**

<sup>1</sup> Quest reglament rempiazza il reglament da recepziun da burgheis per la vischnaunca da Breil dils 27 da november 1993.

Abrogaziun e vigur

<sup>2</sup> Quest reglament passa en vigur cun l'approbaziun entras il cussegl da vischnaunca en sia seduta dils 15 da november 2007 e la radunonza communal da dils 30 da november 2007.

### **En num dil cussegl da vischnaunca**

Il president:

*Claudio Caduff*

Igl actuar:

*Michael Sutz*

### **En num dalla suprastonza communal**

Il president:

*Richard Caduff*

Igl actuar:

*Michael Sutz*